

## 愛細膩

賴麗蓉、黃惠祺

甲：逐家好，我是古錐

乙：逐家好，我是膨皮

合：佇遮佢逐家請安問好！

甲：看你歡頭喜面，喺邊閣油朥朥是閣咧食啥貨？

乙：遮啦！予你鼻看覓，啥款，有芳無。

甲：雞排喔。

乙：嘿啦！你攞毋知咱巷仔口，彼擔雞排店糲的雞排，芳芳酥酥，佱——爾好食，來來來，免錢肉，大喺咬，保證你食會合。

甲：我才毋愛食咧！

乙：來啦！莫佇咧枵鬼假細膩，真正好食甲予人會觸舌呢，你看你，瘦卑巴食落去絕對會生肉。

甲：毋食牛犬，功名不顯，吃了牛犬，地獄難免。我看你喔~是七月半鴨仔-不知死活

乙：心歹無人知，嘴歹上厲害，我就知，你彼支喺宛若雞母尻川。

甲：好心予雷咬，我是關心你呢！

乙：我看你是自己屁股無肉，怨人腳肚生肉，啥物關心。

甲：你喔『沒知識』，嘛著愛『常常看電視』。

乙：看啥貨？

甲：新聞定定攞咧報食安的事件！你是攞毋知喔！

乙：食一个雞排也會有啥事件，你莫佇遐棕蓑胡蠅-食無就講有問題。

甲：看你喔！十肥九呆，無呆嘛毋是狀元才，講你大籊呆嘛是真實在。

乙：莫佇咧七仔笑八仔，今(tann)你是身材佱好，扁擔(pún-tan)腳，鴨母蹄，戽斗兼暴牙，雞看打咯雞，狗看吹狗螺，蟬看噴涎，蝦看

倒彈。

甲:擋咧，呼！惹熊惹虎，千萬毋通惹著刺查某。

乙:知著好，是講新聞是按怎講嘛講一個來鼻芳咧。

甲:齁!講甲予你捌，喙鬚就好拍結，誠喙焦等我啉一喙汽水咧。

乙:你共看你共看，五十步笑百步，你嘛是全款。

甲:我干焦啉一喙汽水有這嚴重，共我一句來，一句去。

乙:彼汽水有摻色素佻真濟糖精，啉傷濟保証予你身軀出問題。

甲:莫佇咧龜笑鰲無尾，鰲笑龜粗皮，你敢知影你佇才食的，香損損的雞排，毋才是有問題。

乙:有啥問題。

甲:是用病死雞的肉佻臭溝仔油糲出來。

乙:有影無，你莫講遐墓仔埔放炮—欲驚死人。

甲:真的，你佇食毒藥。

乙:阿娘喂!你莫共我嚇驚!用臭溝仔油糲的喔!

甲:你敢知影啥物是臭溝油!

乙:你是講對臭溝仔底舀起來喔!

甲:差不多啦!臭溝仔油，是咧講飯店、抑是餐廳共擲佇水溝仔的食物(tsiāh-mīh)、潘提煉出來的油。

乙:聽你按呢講，我病院就愛砢砢從。

甲:遮的臭溝仔油，攞是提來俗俗賣予佇賣鹽酥雞的擔仔佻餐廳，抑是夜市的路邊擔仔。

乙:夭壽喔!遮的人良心攞予狗拖去哺!

甲:路邊攤佻餐廳，為著欲降低成本就提來浸食物，親像油條、羊肉攤、火鍋等等。

乙:有影俗物無好貨，好貨毋賣俗，啥人知影這個食物摻的油是有毒。

甲:是啊!做官騙厝內，做生理騙熟似，生理人為著賺錢毋驚予人拖去  
剖。

乙:真正是陰陰沉沉，咬人三吋深。

甲:毋但臭溝仔油，親像講素食摻臊仔、牛肉乾摻豬肉乾、蜂蜜摻糖水。

乙:等咧!閣講落去腹肚毋著愛繕起來?

甲:免緊張~，咱政府有共咱來提醒。買物件咱就要細膩，就愛選有信  
用優良的店面。

乙:是啦!食品標示看予清，保存期限看予明，包裝外觀愛完整。

甲:閣有，盡量家己動手煮芳芳，家庭幸福著會一世人。

乙:來去喔~轉來去共啊毋鬥煮飯。

甲:多謝逐家，等我啦!